



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LOKUTHOMA LOKWENGEZA (FAL)

IPHEPHA LESITHATHU (P3)

NOVEMBA 2019

UMHLAHLANDLELA WOKUTSHWAYA

IMITLOMELO: 100

Umhlahlandlela wokutshwaya lo unamakhasi ali-15.

ISIGABA A: AMATHEKSTHI WOKUZITLAMELA (AMA-ESEYI)

UMBUZO 1

Tjheja: Isihloko asingabalwa nakubalwa inani lamagama asetjenzisweko.

1.1 I-eseyi ecocako.

Baqinisile nabathi umbelethako ngiloyo okuthogomelako ingasi loyo owakuletha ephasini.

Le yi-eseyi lapho umtloli ademba ngesehlakalo esithileko esakhe senzeka kuye, akhe wasibona senzeka komunyenofana acoelwa ngaso. Kuyenzeka kokhunye umtloli atbole i-eseyi ayisusele ehloko. Kuqakathekile ukobana nanyana umfundi ayisusela ehloko i-eseyakhe kube yi-eseyi ekholwekako. Ngokuvamileko umtloli we-eseyi ecocako usebenzisa isikhathi esidlulileko.

Nakhu okumele kutjhejwe nakutshwaywa i-eseyi le:

- Isigaba esisingeniso kufanele simdose/silulubeze umfundi we-eseyi.
- I-eseyi ecocako kufanele ikholwakale nanyana kungeyokuzitlamela.
- I-eseyi ecocako kufanele itlolwe ibe sesikhathini esidlulileko.
- Umuntu otshwaya i-eseyi le kufanele alangazelele ukuzwa okulandelako bekube sekugcineni.
- Ukucoca okuyipumelelo kubonakalisa tjhatjhalazi imizwa efana neyokubona, yokuzwa, yokunambitha, yokuthintana nephunga.
- I-eseyi enesiphetho esingakajayeiki yihle kunaleylo enesiphetho esisepepeneneni begodu esilindelekileko.

Umfundi angaveza **okhunye** kokulandelako:

- Itando olinikelwa mumuntu ongakubelethiko.
- Liyeleliso ozithola ebantwini.
- Isekelo olitholako.
- Itjhejo olithola kuye.
- Ipumelelo oba nayo.

Tjheja: Le eseyi ingaba ngehathululako godu.

[50]

1.2 I-eseyi Ecocako.

Ngabona mhlokho bonyana kwamambala izandla ziyagezana.

Le yi-eseyi lapho umtloli ademba ngesehlakalo esithileko esakhe senzeka kuye, akhe wasibona senzeka komunyenofana acoelwa ngaso. Kuyenzeka kokhunye umtloli atbole i-eseyi ayisusele ehloko. Kuqakathekile ukobana nanyana umfundi ayisusela ehloko i-eseyakhe kube yi-eseyi ekholwekako. Ngokuvamileko umtloli we-eseyi ecocako usebenzisa isikhathi esidlulileko.

Nakhu okumele kutjhejwe nakutshwaywa i-eseyi le:

- Isigaba esisingeniso kufanele simdose/silulubeze umfundi we-eseyi.
- I-eseyi ecocako kufanele ikholwakale nanyana kungeyokuzitlamela.
- I-eseyi ecocako kufanele itlolwe ibe sesikhathini esidlulileko.
- Umuntu otshwaya i-eseyi le kufanele alangazelela ukuzwa okulandelako bekube sekugcineni.
- Ukucoca okuyipumelelo kubonakalisa tjhatjhalazi imizwa efana neyokubona, yokuzwa, yokunambitha, yokuthintana nephunga.
- I-eseyi enesiphetho esingakajayeleki yihle kunaleyo enesiphetho esisepepeneneni begodu esilindelekileko.

Umfundi angaveza **okhunye** kokulandelako:

- Isizo engalinikela umuntu.
- Ukuzisola engaba nakho.
- Ipumelelo netuthuko aba nayo.
- Ukutlhoga isizo/isekelo kwami.
- Ukuthola isizo emuntwini engamsizako.
- Isifundo engasifumanako.

Tjheja: Le eseyi ingaba ngehlathululako godu.

[50]

I-eseyi Ehlathululako.

Umonakalo odalwa mamanga.

Le yi-eseyi lapho umtloli afuze ahlathulule ubujamo obuthileko, umuntu othileko nofana indawo ethileko. Njengombana nesihloko sitjho, kufanele umtloli we-eseyi le asebenzise amagama ahlathululako khudlwana. Ngale kwalokho, umtloli usebenzisa khulu ilimi elisesikhathini sanje.

Nakhu okumele kutjhejwe nakutshwaywa i-eseyi le:

- Otlolako kufanele ayelele ekutheni akhethe isihloko asazi kuhle. Isizathu kukobana kuba budisi ukuhlathulula into organawlazi elipheleleko ngayo.
- Otlolako kufanele akhethe ngokuyeleta amagama nobujamo bokukhuluma.
- Amagama asetjenziswa ngotlolako kufanele akhe isithombe esikhanya bha.
- Otlolako angasebenzisa iinthombe-ngqondo zokubona, zokurhogela, zokuzwa, zobumnandi nezokuthinta ukuze zimsize ukwenza akuhlathululako kukhanye bha.

Umfundi angaveza **okhunye** kokulandelako:

- Ukulwisa abantu.
- Ukuba nomona.
- Ukubulalana kwabantu ngeendaba zamanga.
- Ukuphula iminden.
- Ukuhloyana.

Tjheja: Le eseyi ingaba ngecocako godu.

[50]

1.4 I-eseyi Evezako/Eveza Imizwa Yomtloli.

Ngafunda bona umuntu mumuntu ngabantu emphakathini esiphila kiwo.

Le yi-eseyi lapho otlolako aba nombono bese unikela imizwakhe. I-eseyi le itjhegeza ibuyele emva esehlakalweni esakhe senzeka. Otlolako-ke kulapho abeka khona imibonwakhe ngokwenzakalako, abeke tjhatjhalazi okuhle neemphoso bese uthatha iinqunto ngokuthi ubona kufanele kwensiweni ukutjhugulula ubujamo balokho esikhathini esizako.

Umhlobo lo wendaba sivame ukuwubona emitlolweni ema-eseyi, la otlolako abeka umbonwakhe ngesihloko esithileko. Akutjho bonyana akutjhoko kuliqiniso kodwana ngilokho akucabangako ngabantu, ngesintunofana ngepilo nje. Lokho akubekako kuhle kusekelwe ngamaqiniso ukuze kungamdonisi loyo ozokufunda i-eseyi leyo. I-eseyi enje ingaveza ukujya kwengqondo yaloyo otlolako begodu abanengi bayithatha njengeqiniso lamambala.

Nakhu okumele kutjhejwe nakutshwaywa i-eseyi le:

- I-eseyi evezako iveza imizwa yomtloli.
- Imizwa nokuthathea kwehliziyo kudlala indima eqakatheke khulu e-eseyini le.
- Ihlangothi elikhulu le-eseyi lingaba ngelihlathululako. Ukuhlathululokhu kufanele kukhanye begodu kuveze imizwa nalokho okusengqondweni yaloyo otlolako.
- Imibono/Imicabango/Imizwa eveziweko kufanele yembule iqiniso nendima ethathwa ngotlolako.

Umfundi angaveza **okhunye** kokulandelako:

- Ukwenza into ungakacabangisisi.
- Ukuba marhamaru.
- Ukungalaleli.
- Ukungaqla ubuhle nobumbi balokho okwenzako.
- Isekelo lomphakathi.
- Isifundo owasitholako.

[50]

1.5 I-eseyi Emahlangothimabili/Emadananisako.

Ubuhe nobumbi bokwenza imitjhapho epilweni.

Indaba le ihlobene khulu ne-eseyi ephikisako. Okufanako kukobana kiyo yomibili imihlobo le otlolako ubeka imibonwakhe. Umehluko okhona kukobana e-eseyini emahlangothimabili otlolako kulindeleke kobana atlole ngemibono yomibili. Silindele kobana asivezele ubuhle nobumbi bento atlola ngayo. Okumnandi ngomhlobo lo we-eseyi kukobana otlolako utjhiyela ofundako ekutheni azikhethelle yena isiqunto sokobana ngiliphi ihlangothi abona lingcono kunelinye.

Umtloli angafikelela esiphethweni esithileko ekugcineni kwe-eseyakhe kodwana imibono evumako nephikako kufanele yethulwe ngokulinganako e-eseyini.

Nakhu okumele kutjhejwe nakutshwaywa i-eseyi le:

- Umtlolo kumele uzwakale begodu ungathathi ihlangothi.
- Kumele kuvezwe iintatimende ezizwakala kuhle.
- Kilomhlobo we-eseyi otlolako uveza ubuhle nobumbi bento ethileko anikelwe yona esihlokweni.
- Unikela amaphuzu avumelana nesihloko nalawo aphikisana naso.

[Otlolako kufanele aveze kokubili, ubuhle nobumbi obulethwa kukwenza imitjhapho epilweni.]

Umfundi angaveza **okhunye** kokulandelako:

Ubuhle

- Ukulemuka iphoswakho.
- Ukuzisola ngayo.
- Ukulinga ukuyilungisa.
- Ukufunda kiyo.
- Ukuthola isifundo kiyo.

Ubumbi

- Ukungaboni/ukungalemuki iphoswakho msinyana.
- Ukonakalelwya yipilo.
- Ukulahlekelwa mathuba.
- Ukutjhiywa sikhathi.
- Ukuzithola usejele.
- Ukulahlekelwa lingomuso.

[50]

1.6 I-eseyi Ephikisako/Ehlangothilinye

Ithando elingalinganiko ababelethi abalinikela abentwababo lihlukanisa umndeni.

I-eseyi ephikisako ifuna otlolako athome ngokukhetha ihlangothi esihlokweni atlola ngaso. Otlolako angakhetha ukuvumelana nesihlokonofana aphikisane naso. Umbono womtloli kumele ukhanye kusukela ekuthomeni bekube sekugcineni kwe-eseyakhe. I-eseyi le yethula lokho okusengqondweni yomtloli.

Nakhu okumele kutjhejwe nakutshwaywa i-eseyi le:

- Otlolako kumele athome ngokuthi akhethe ihlangothi azokutlola ngalo.
- Otlolako kumele anikele amaphuzu amanengi anabe ukusekela imibonwakhe.
- Otlolako kumele ahlale emaphuzwini NOFANA aphikise isitativende.
- Lomhlobo we-eseyi uphethe imibono yomtloli kwaphela ngalokho kumele uphakamise imibono eqinileko.
- Ilimi elinezwelomagama lingahle lithinte imizwa kodwana kumele libe nehlonipho.
- Isiphetho kumele sibe sitativende somtloli esinamandla, esikhanyako nesanelisako.

Umfundi angaveza **okhunye** kokulandelako:

Abavumelana nesihloko.

- Ukubandlululana kwabentwana.
- Ukulwa okuba khona.
- Ukumonakalelana.
- Ukutlhorisana.

Abaphikisana nesihloko.

- Ukuziphatha kuhle.
- Ukulinga ukuzibuthelela.
- Ukusama ngalo othandwako.
- Ukusekelana nimundeni.

[50]

1.7 **Ukutshwaya/Ukurhumutjha iinthombe.**

Umfundi kumele:

- Anikele i-eseyakhe isihloko esiyifaneleko.
- Ahlathulule i-eseyakhe ngananyana ngiyiphi indlela kodwana ikhambelane nesithombe.
- Akhethe nanyana ngiwuphi umhlobo we-eseyi okhambelana nesithombe.
- Ahlanganise ukuhlathululwa kwendaba nesithombe.
- Atlole ngesikhathi esifaneleko.

1.7.1 Kilesisithombe umfundi angatlola i-eseyi ecocako nanyana ehlathululako. Otshwayako uyelelisa bona atjheje umhlobo we-eseyi evezwa ngotlolako bese utshwaya ngokulandela amaphuzu alindeleke ngaphasi kwalowo mhlobo wendaba.

Kilesisithombe kubonakala kakhanyiswe ilambha.

Umfundi angaveza **okhunye** kokulandelako:

- Ukuqakathika kwefundo.
- Ukukhanya okulethwa yifundo.
- Ipumelelo ebakhona nawufundileko.
- Ingomuso elimanyazelako.
- Ipiro emnandi.

[50]

1.7.2 Kilesisithombe umfundi angatlola i-eseyi ecocako nanyana ehlathululako. Otshwayako uyelelisa bona atjheje umhlobo we-eseyi evezwa ngotlolako bese utshwaya ngokulandela amaphuzu alindeleke ngaphasi kwalowo mhlobo wendaba.

Kilesisithombe kubonakala abentwana bengubo nowembaji bathethe ikhambo.

Umfundi angaveza **okhunye** kokulandelako:

- Izinto ezitlhogekako nawuthatha ikhambo.
- Ukuqakathika kokubetjhwa mumoya.
- Izinto ozifundako.
- Ukuqalana nobudisi.
- Ukufunda ukuzijamela.
- Isifundo ositholako.

[50]

IMITLOMELO YESIGABA A: 50

ISIGABA B: AMATHEKSTHI AMADE WOKUTHINTANA

UMBUZO 2

2.1 INCWADI YOBUNGANI

Nakhu ekumele kutjhejwe nakutshwaywa incwadi yobungani:

- Kufanele ibe nesiphande sinye, sitlolwe ngokujayelekileko esandleni sokudla. Isiphande sotlolako asibe nelanga elitlolwe ngesiNdebele isib: Janabari/Tjhirkhwani ingasi ngesiNgisi. **Tjheja:** Isiphande, isilotjhiso nesiphetho azingabalwa nakubalwa inani lamagama.
- Itlolelwa umuntu owazekako, kungaba mnganakho, umnakwenu, umzawakho; njll.
- Kunesilotjhiso esiphakamisa ibizo lomuntu omtlolelako; Isib. Jabulile, Mma, Baba; njll.
- Kufuneka esingenisweni uveze umnqopho wokutlola incwadi leyo ngobufitjhani. Isingeniso singaba mumutjho munye kufika kemithathu ubunengi. Akucocwa iindaba ezinengi lapha.
- Kufuneka bona otlolako ahlathulule ngokuzeleko emzimbeni ihloso yokutlola kwakhe incwadi ngamaphuzu azwakalako nakambisana nesihloko anikelwe sona.
- Kumele ibe nesilayeliso; Isib. Ubalotjhise boke ekhaya/Ngilotjhisela kibo boke ebangaziko ngapho; njll.
- Ekugcineni kumele utbole isiphetho; Isib. Ngimi umnganakho/Ngimi umntwanakho/Ngimi umzawakho/Ngimi, bese kuthi ngaphasi kwesiphetho utbole igama lakho. Lokhu kwenzelwa ukobana loyo otlolelweko azi kuhle ukuthi utlolelwe ngubani. Isibongo akufuneki ukobana usitlole ngombana niyazana nabantu obatloleleko.

Umfundi angaveza **okhunye** kokulandelako:

- Indawo ebeniyokuphumula kiyo.
- Umndeni ebenikhambé nawo.
- Izinto ebenizenza qobe lilanga.
- Owakuzuzako kilelikhambo.

[30]

2.2 UMLANDO KAMUFI

Nakutlolwa umlando kamufi, kuthonywa ngesihloko esibonakalako esinamagama kamufi apheleleko. Isib. Umlando kaBaphelile Sophy Masilela, njll. Ekugcineni kungaphethwa ngomutjho omfitjhani wokumlayelisa, njengokuthi: Lala Ngokuthula, Mgwezani Wakokosi, Lala uphumule, Mgwezani, nofana ikosi ayikuphe umphumulela wasafuthi, nanyana ngimaphi amagama anehlonipho kungaba ziinanazelo zakhe ziyamukeleka.

Nakhu okumele kutjhejwe nakutshwaywa umlando kamufi:

- Isihloko esinamagama kamufi apheleleko.
- Amagamakhe apheleleko.
- Ilanga abe lethwa ngalo.
- Igama lendawo abe lethelwa kiyo. Tjheja: Akungatlolwa igama lesibhedlela.
- Ubelethwa bobani.

- Imithombo yefundo asele adlule kiyo.
- Akuzuza eemfundweni zakhe.
- Iindawo asebenze kizo.
- Linkhundla azifumanako.
- Ilanga akhambe ngalo ephasini. **Tjheja:** Akungatlolwa unobangela wokuhlongakala kwakamufi kodwana kungavezwa okhunye kwalokhu: Webiwe ngunokufa lokha nakakhambé ngengozi, uhlongakele ngemva kokugula isikhathi esifitjhaninofana eside.
- Umndenakhe awutjhiyileko ephasini njengomyenakhe nofana ukosikazi, abentwana, ababelethi, iinzukulu zakhe nabanye ahlobana nabo ngokweengazi. **Tjheja:** Akungatlolwa amabizo weenini azitjhiyileko.

Isiphetho akube mumutjho omfitjhani wokumlayelisa nofana iinanazelo zakhe.

[30]

2.3 I-ATHIKILI KAMAGAZINI

Nakhu okumele kutjhejwe nakutshwaywa i-athikili kamagazini:

- Isihloko asibe sifitjhani, sidose besilulubeze ozosifunda.
- I-athikili kufuze itlolwe ngamaphuzu amafitjhani begodu ibe namakholomu. Nakunemigwalo ayibe nemibala emihle, ekhanyako nedosako nekhambelana nesihloko.
- Kufuze ibe sesitayeleni saloyo oyitlolako kodwana ikhulume noyifundako.
- Isitayela sotlolako singaba ngesihlathululako, sibe neenthombe-ngqondo, begodu senze ofundako abe nekareko.
- Amagama, iindawo, isikhathi, ubujamo nezinye iimfuneko eziqakathekileko kumele zifakte.
- I-athikili kufuze ivuse ikareko njengesikhango, ikhuthaze abayifundako bona bayifunde.
- Iindima akukafuzi bona zibe zide.
- Amagama asetjenzisweko kufuze kube ngilayo azakwamukeleka.

Umfundi angaveza okhunye kokulandelako:

- Ukubika lokha nawubona abantu bahlukumeza umntwana.
- Ukubambisana njengomphakathi.
- Ukusizana umntwana nakasahlelwoko.
- Ukubikela ababelethi.
- Ukukhamba kwabentwana nabantu abadala.

[30]

2.4 IKULUMO-PENDULWANO

Nakhu okumele kutjhejwe nakutshwaywa ikulumo-pendulwano:

- Njengemitlolo yoke kufanele kube khona isingeniso. Esingenisweni kulapho kwethulwa khona indaba ekuzokucocwa ngayo nokobana izokucocwa bobani nendawo lapha izokucocelwa khona.
- Akulotjhisana kungenwa endabenzi zisuka zibekwa.
- Amagama walabo abakhulumako atlolwa ngesandleni sesincele, abe mafitjhani nesibongo singasetjenziswa. Akutlolwa litho ngaphasi kwamagama walabo abakhulumako.

- Kutlolwa ikhloni emuva kwamagama wabantu abakhulumako.
- Amagama aveza imizwa nobujamo balabo abakhulumako akatlolle afakwe ngaphakathi kweembayana ngemva kwekhloni etlolwe eduze negama lokhulumakonofana laloyo okhulumako.
- Ukukhethwa kwamagama kumele kutjengise ukwehlukana kwezinga lalabo abakhulumako. **Isib. ubaba nakakhuluma nendodana, umntwana wesikolo nakakhuluma notitjhere.**
- Ukobana ikulomo-pendulwano ithoma ngesingeniso akutjho bona akube khona isigaba esisiphetho. Isiphetho sendaba siba sekulumeni yabo, kuzwakale bonyana seiyaphetha.
- Ingaphetha ngokobana bazwane nanyana bangezwani kuye ngokobana indaba egade icocwa ikhambe bunjani.

Umfundi angaveza **okhunye** kokulandelako:

- Ukuvezwa kwamabizo walabo ababhema iindakamizwa.
- Izinto ebazenzako eendlwaneni zokuzithumela.
- Ukuthathelwa kwabafundi imali.
- linkhali abaziphathako.
- Ukungakghoni kwabanye abafundi ukuya eendlwaneni.

[30]

IMITLOMELO YESIGABA B: 30

ISIGABA C: AMATHEKSTHI AMAFITJHANI WOKUTHINTANA

UMBUZO 3

3.1 ISIKHANGISO

Ukukhangisa yindlela yokudosa abantu ngento ethileko ethengiswako ngomnqopho wokuthi bagcine sebayithengile nanyana bebakhohliswa. Abosomarhwebo bavamise ukusebenzisa iiinkhangisi ezimihlobohlobo ukubiza abathengi. Isikhali esikhulu sokukhangisa kubuyelela kwemibiko nokusebenzisa amagama ayengako/adosako. Ngaphandle kweenkhangiso zezinto ezithengiswako kukhona iinkhangisi zemisebenzi, zeminyanya zabatjhadanako nokhunye. Lesiskhangiso simayelana nentatha esiza ukwehlisa umzimba.

Umfundi angaveza **okhunye** kokulandelako:

- Ibizo lomkhiqizo.
- Indawo lapho utholakala khona.
- Indlela esetjenziswa ngayo.
- Imiphumela ozoyithola.
- Inani lesihlahla.
- Indlela eningathintwa ngayo.

[20]

3.2 UMALANGENI/IDAYARI

Idayari yincwajana la umuntu atlola khona izehlakalo eziphathene nepilwakhe, izinto eziqakathekileko afisa ukuzikhumbula, nokhunye. Abanye idayari bayithiya igama layo, isibonelo '**Kunje-ke Emhlabeni!**' Nakhu okuqakathekile ngedayari:

Nakhu okumele kutjhejwe nakutshwaywa umalangeni/dayari:

- Kumele oyitlolako atbole ilanga phezulu.
- Kumele itlolwe ngelimi lomuntu okhulumako.
- Kumele itlolwe ibe sesikhathini sanje.
- Kuyenzeka godu itlolwe ibe sesikhathini esidlulileko.
- Kanti kungenzeka begodu itlolwe ibe sesikhathini esizako.
- Kumele kutlolwe iingaba ezifitjhani.
- Kusetjenziswa ilimi elitjhaphulukileko.

[20]

3.3 IINKOMBA ZENDLELA

Epilweni kuyenzeka umuntu akhambele endaweni angayaziko okufuneka bona abuze indlela ebantwini ahangana nabo. Umuntu olayela omunye indlela usebenzisa iinkomba zendlela ukulayela. Umnqopho weenkombandlela kutjengisa umuntu othile indlela nanyana indawo ethile ekumele aye kiyo. Kungaba yindlela eya emzini othileko, emsebenzini, esikolweni, eposini, lapho kukhwelwa khona iimphaphamtjhini, njalonjalo.

Ukuze ukulayela nokulayelwa kube lula kumele:

- Kuvele iindlela umuntu azozikhamba.
- Kuvele amagama weendawo umuntu azokudlula kizo.
- Kuvele amagama wemilambo umuntu azoyiwela, iintaba azokudlula kizo njalonjalo.
- Umuntu olayelwako kumele alalelisise kuhle ukuze athole lapho aya khona.
- Lowo olayela omunye asebenzise ilimi elinqophileko, elingazokudida lowo olayelwako.

[20]

IMITLOMELO YESIGABA C: 20
INANI LOKE: 100

ISIGABA A: IRUBHRIKHI YOKUTSHWAYA/YOKUHLOLA I-ESEYI YELIMI LOKUTHOMA LOKWENGEZA [50 IMITLOMELO]**TJHEJA:**

- Sebenzisa irubhrikhi njalo nawutshwaya i-eseyi.
- Amamaksi kusukela e-0–50 ahlukaniswe ngamazinga weenthadlhuli ama-5.
- Okumunyethweko, ukusetjenziswa kwelimi nesitayela, lelo nalelo kghono lesitlhadlhuli lihlukaniswe ngezinga eliphezulu neliphasi.
- Isakhiwo asithintwa lizinga eliphezulu namkha eliphasi.

IRUBHRIKHI YOKUHLOLA I-ESEYI YELIMI LOKUTHOMA LOKWENGEZA [50 AMAMAKSI]

Iqhinga	Ngokudluleleko	Ngokwekghono	Ngokulingeneko	Ngokusisekelo	Ngokungakalingani
OKUMUNYETHWEKO NOKUHLELA (Ukuphendula) Ukuhlela kwemiqondo yokuhlela Ukulemuka umnqopho, abamukelilwazi nobujamo. 30 AMAMAKSI	28–30 -Ukuphendula okudluleleko. -Imiqondo ehlakaniphileko, evusa imiqondo netjengisa ukukhula. -Ukuhlela okudluleleko nokukhambelana nesingeniso, umzimba nesiphetho.	22–24 -limpendulo ezihleleke kuhle; zikhambelana khulu begodu zimandi, -kunobufakazi nokukhula okubonakalako. -Isingeniso, umzimba nesiphetho kuhleleke kuhle begodu kuyakhambelana.	16–18 -Ukuphendula okwanelisako. -Imiqondo ekhambelanako nekholisako. -Kunokuhlela nokukhambelana okulingeneko kwesihloko, isingeniso umzimba nesiphetho.	10–12 -Ukuphendula okungakajami ndawonye. -Imiqondo engakancophi. -Ubufakazi obuncani bokuhlela nokukhambelana kwendaba.	4–6 -Ukuphendula okuphume endleleni khulu. -Imiqondo erarako nengakanqophi. -Imiqondo engakahleki nengakhambelaniko.
	25–27 -Ukuphendula okudluleleko kodwana kutilhayela amatshwayo wendaba ehle ngokudluleleko. -Imiqondo ekhulileko nenokuhlakanipha. -Kunokuhlela nokukhambelana okuhle kwesingeniso, umzimba nesiphetho.	19–21 -Ukuphendula okuhlelw kuhle. -Imiqondo ekarisako nekhambelanako. - Kunokuhlela nokukhambelana kwesingeniso, umzimba nesiphetho.	13–15 -Ukuphendula okwanelisako kodwana kunokungakanqophi. -limiqondo iyakhambelana ngokulingeneko. -Kunokuhlela nokukhambelana okulingeneko kwesingeniso, umzimba nesiphetho.	7–9 -Ukuphendula okungakhambelaniko okusezingeni eliphasi. -Imiqondo ayikahlangani begodu ayikanqophi. -Kunokuhlela okungakhambelana nendaba.	0–3 -Ukuphendula isihloko akukalingwa nokulingwa. -Imiqondo engakhambelaniko nengakafaneli. -Imiqondo enganatlha nengazwakaloko.

IRUBHRIKHI YOKUTSHWAYA I-ESEYI YELIMI LOKUTHOMA LOKWENGEZA [50 AMAMAKSI] (IRAGELA PHAMBILI)

Iqhinga		Ngokudluleleko	Ngokwekghono	Ngokulingeneko	Ngokusisekelo	Ngokungakalingani
ILIMI, ISITAYELA NOKU-EDITHA. Iphimbo, irejista, isitayela nelwazimagama elifanele umnqopho, abamukelilwazi nobujamo. Ukukhethwa kwamagama, ukusetjenziswa kwelimi, imithetjhwan, iimphumuzi, ihlelo nesipelinghi 15 AMAMAKSI	Izinga elipheluzu	14–15 -Iphimbo, irejista, isitayela kanye nelwazimagama elifaneleko nelihle ngokudluleleko, elinemba umnqopho, abamukelilwazi nobujamo -Ukusetjenziswa kwelimi kusezingeni elihle ngokudluleleko -Ihlelo nesipelinghi esinganamphoso -Kutlanywe kuhle ngokudluleleko	11–12 -Iphimbo, irejista, isitayela nelwazimagama elifanele khulu umnqopho, abamukelilwazi nobujamo -Ilimi liyanemba begodu lisetjenziswe ngokufaneleko -Ihlelo nesipelinghi akunamphoso khulu, ziimbalwa -Indabakhe itlanywe ngokutjengisa ikghono	8–9 -Iphimbo, irejista, isitayela nelwazimagama elifanele umnqopho, abamukelilwazi nobujamo -Ukusetjenziswa kwelimi okwethula ihlathululo -Ihlelo nesipelinghi kuneemphoso ezinengana -Kutlanywe ngokusezingeni ellingeneko	5–6 -Iphimbo, irejista, isitayela nelwazimagama eliwufanele kancani umnqopho, abamukelilwazi nobujamo -Ukusetjenziswa kwelimi okusezingeni eliphasi -Ihlelo nesipelinghi kuneemphoso ezinengi khulukhulu -Kutlanywe ngokusezingeni eliphasi khulukhulu	0–3 -Iphimbo, irejista nesitayela ezingakafaneli khulu umnqopho, abamukelilwazi nobujamo -Iwazimagama elithayela khulu nelenza kubu budisi ukuzwisa itheksthi. -Ilimi elingazwakaliko. -Ihlelo nesipelinghi kuneemphoso ezinengi khulukhulu -Kutlanywe ngokusezingeni eliphasi khulukhulu
		13 -Iphimbo, irejista, isitayela nelwazimagama elifaneleko nelihle elinemba umnqopho, abamukelilwazi nobujamo -Ukusetjenziswa kwelimi kusezingeni elihle khulu -Ihlelo nesipelinghi Esinganamphoso khulu -Kutlanywe kuhle khulukhulu.	10 -Iphimbo, irejista, isitayela nelwazimagama elifanele umnqopho, abamukelilwazi nobujamo -Ilimi liyanemba begodu lisetjenziswe ngokufaneleko -Ihlelo nesipelinghi kuneemphoso ezinengana -Kutlanywe kuhle	7 -Iphimbo, irejista, isitayela nelwazimagama elifanele umnqopho, abamukelilwazi nobujamo ngokulingana -Ukusetjenziswa kwelimi okungathuli ihlathululo -Ihlelo nesipelinghi kuneemphoso ezinengi khulu -Kutlanywe ngokusezingeni eliphasi	4 -Iphimbo, irejista, isitayela nelwazimagama elincani nelisezingeni eliphasi elingakafaneli umnqopho, abamukelilwazi nobujamo -Ukusetjenziswa kwelimi okungakafaneli -Ihlelo nesipelinghi kuneemphoso ezinengi khulu -Kutlanywe ngokusezingeni eliphasi khulukhulu	
ISAKHIWO Amatshwayo wetheksthi. Ukwakhiwa kweengaba nemitjho. 5 AMAMAKSI		5 -Kuvezw amatshwayo neminingwana eqakathekileko yesakhiwo sendaba -Kunokuqongelana okuhle ngokudluleleko kweengaba -Imitjho neengaba kwakheke ngendlela ehle ngokudluleleko	4 -Kuvezw amatshwayo neminingwana yesakhiwo sendaba -Kunokuqongelana okuhle kweengaba -Imitjho neengaba kwakheke ngendlela ehle	3 -Amatshwayo neminingwana eveziweko iyakhambelana -Imitjho neengaba kwakheke ngendlela elingeneko -Indaba isanikela umqondo.	2 -Amaphuzu amanye anembako akhona -Ukwakhiwa kwemitjho neengaba kuneemphoso -Indaba izwakala kancani.	0–1 -Amaphuzu afunekako ayathayela -Ukwakhiwa kwemitjho neengaba kuneemphoso ezinengi khulu -Indaba ayinamqondo.
		43–50	33–40	23–30	13–20	0–10

ISITJENGISO SOKWABIWA KWEMITLOMELO:

- km/hl- : (Tlol uumlomelo otholwe mfundi)
- L-/st-/ed- : (Tlol uumlomelo otholwe mfundi)
- Sk- : (Tlol uumlomelo otholwe mfundi)

ISIGABA B: AMATHEKSTHI AMADE WOKUTHINTANA**IRUBHRIKHI YOKUHLOLA AMATHEKSTHI AMADE WOKUTHINTANA WELIMI LOKUTHOMA LOKWENGEZA [30 AMAMAKSI]**

Iqhinga	Ngokudluleleko	Ngokwekghono	Ngokulingeneko	Ngokusisekelo	Ngokungakaneli
OKUMUNYETHWEKO, UKUHLELA NESAKHIWO	15–18	11–14	8–10	5–7	0–4
-Ukuphendula nemibono. -Ukubuthelela nokuhlela kwemibono. -Umnqopho, abamukelilwazi, amatshwayo/imithetjhwana kanye nobujamo.	-Ukuphendula okudluleleko, okungaphezu kwalokho okulindelweko. -Imiqondo ehlakaniphileko nekhulileko. -Ilwazi elingeneleleko lamatshwayo wetheksthi. -Umtlolo unqophile awikaphumi esihlokweni usekelwe kuhle ngendlela enobukghoni begodu -kunemininingwana esekela isihloko. -Kunokukhambelana kokumunyethweko nomqondo. -Isakhiwo sihleleke kuhle begodu yoke iminininingwana esekela isihloko iveziwe. -Isakhiwo esifaneleko nesinembako.	-Ukuphendula okuhle khulu nokutjengisa ilwazi elihle lamatshwayo wetheksthi. -Umtlolo unqophile awikaphumi esihlokweni usekelwe kuhle ngendlela enobukghoni begodu -kunemininingwana esekela isihloko. -Isakhiwo esifaneleko kodwana esinokungakhambelaniko okuncazana.	-Ukuphendula okulingeneko okutjengisa ilwazi lamatshwayo wetheksthi. -Akunakudzimelela nokukhambelana okulingeneko kokumunyethweko nemiqondo. -Eminye iminininingwana esekela isihloko iveziwe. -Isakhiwo sifanele ngokulingeneko, kodwana kunokungakhambelani.	-Ukuphendula ngokusisekelo begodu kutjengisa ilwazi lamatshwayo wetheksthi. -Kunokunkopha okukhona kodwana okunengi kuphambene nesihloko. -Imininingwana esekela isihloko imbalwa. -Kunobutjhapha obukhona obubonakala emithethweni nematshwayeni wesakhiwo.	-Ukuphendula kutjengisa ukungabi khona kwelwazi lamatshwayo wetheksthi. -Akunakukhambelana kwemiqondo. -Imininingwana esekela isihloko imbalwa. -Akakasebenzisi amatshwayo nemithetho yesakhiwo.
18 AMAMAKSI	10–12	8–9	6–7	4–5	0–3
ILIMI, ISITAYELA KANYE NOKU-EDITHA					
-Iphimbo, irejista, isitayela, kufanele umnqopho/umphumela/ abamukelilwazi kanye nobujamo. -Ukusetjenziswa kwelimi kanye nemithetjhwana. -Ukukhethwa kwamagama. -Ukisetjenziswa kwamatshwayo kanye nesipelinghi.	-Iphimbo, irejista, isitayela, nelwazimagama kuwufanele khulu umnqopho, abamukelilwazi nobujamo. -Ihlelo lisetjenziswe ngokunembako begodu lihleleke kuhle khulu. -Kuneemphoso ezincani khulu.	-Iphimbo, irejista, isitayela, nelwazimagama kuwufanele khulu umnqopho, abamukelilwazi kanye nobujamo. -Ihlelo lisetjenziswe ngokunembako begodu lihleleke kuhle. -Akunamphoso ezinengi.	-Iphimbo, irejista, isitayela, nelwazimagama kuwufanele ngokulingeneko umnqopho, abamukelilwazi kanye nobujamo. -Kuneemphoso zehlelo kodwana alilimazi ihlathululo.	-Iphimbo, irejista, isitayela, nelwazimagama kuwufanele kancani umnqopho, abamukelilwazi kanye nobujamo. -Kuneemphoso zehlelo ezenza bona ihlathululo ingazwakali.	-Iphimbo, irejista, isitayela, ilwazimagama akukhambelani nomnqopho, abamukelilwazi kanye nobujamo. -Kuneemphoso zehlelo ezenza bona ihlathululo ingazwakali nakancani.
12 AMAMAKSI	25–30	19–23	14–17	9–12	0–7
IRENJI YAMAMAKSI					

ISITJENGISO SOKWABIWA KWEMITLOMOLO:

Km-/hl-/sk- : (Tlola umtlomelo otholwe mfundu)

L-/st-/ed- : (Tlola umtlomelo otholwe mfundu)

ISIGABA C: AMATHEKSTHI AMAFITJHANI WOKUTHINTANA**IRUBHRIKHI YOKUHLOLA AMATHEKSTHI AMAFITJHANI WOKUTHINTANA WELIMI LOKUTHOMA LOKWENGEZA [20 AMAMAKSI]**

Iqhinga	Ngokudluleleko	Ngokwekhono	Ngokulingeneko	Ngokusisekelo	Ngokungakaneli
OKUMUNYETHWEKO, UKUHLELA NESAKHIWO	10–12	8–9	6–7	4–5	0–3
-Ukuphendula kanye nomqondo. -Ukuhlela kwemiqondo; amatshwayo/imithetjhvana kanye nobujamo.	-Ukuphendula okudluleleko, okungaphezu kwalokho okulindelweko. -Imiqondo ehlakaniphileko nekhulileko. -Ilwazi elingeneleleko lamatshwayo wetheksthi. -Umtlolo unqophile. -Kunokukhambelana kokumunyethweko nomqondo. -Isakhiwo sihleleke kuhle begodu yoke imininingwana esekela isihloko iveziwe. -Isakhiwo esifaneleko nesinembako.	-Ukuphendula okuhle khulu nokutjengisa ilwazi elihle lamatshwayo wetheksthi. -Umtlolo unqophile awikaphumi esihlokweni usekelwe kuhle ngendlela enobukghoni begodu -kunemininingwana esekela isihloko. -Isakhiwo esifaneleko kodwana esinokungakhambelaniko okuncazana.	-Ukuphendula okulingeneko okutjengisa ilwazi lamatshwayo wetheksthi. -Akunakudzimelela nokukhambelana okulingeneko kokumunyethweko nemiqondo. -Eminye imininingwana esekela isihloko iveziwe. -Isakhiwo sifanele ngokulingeneko, kodwana kunokungakhambelani.	-Ukuphendula ngokusisekelo begodu kutjengisa ilwazi lamatshwayo wetheksthi. -Kunokunqophha okukhona kodwana okunengi kuphambene nesihloko. -Imininingwana esekela isihloko imbalwa. -Kunobutjhapha obukhona obubonakala emithethweni nematshwayeni wesakhiwo.	-Ukuphendula kutjengisa ukungabi khona kwelwazi lamatshwayo wetheksthi. -Akunakukhambelana kwemiqondo. -Imininingwana esekela isihloko imbalwa. -Akakasebenzisi amatshwayo nemithetho yesakhiwo.
12 AMAMAKSI	7–8	5–6	4	3	0–2
ILIMI, ISITAYELA NOKU- EDITHA	Iphimbo, irejista, isitayela, ilwazimagama elifanele umnqopho, nokumunyethweko; Ukusetjenziswa kwelimi nemithetjhvana; Ukukhethwa kwamagama; Ukusetjenziswa kwamatshwayo nesipelinghi	-Iphimbo, irejista, isitayela, ilwazimagama elifanele umnqopho, abamukelilwazi kanye nobujamo. -Kuyanemba ngokwehlelo begodu kwakhiwe kuhle. -Akunamphoso.	-Iphimbo, irejista, isitayela, ilwazimagama kufanele khulu umnqopho, abamukelilwazi kanye nobujamo. -Ihlelo linemba ngokwekhono elithileko begodu lakhiwe kuhle. -Ilwazimagama elihle khulu. -Akunamphoso.	-Iphimbo, irejista, isitayela, ilwazimagama kufanele umnqopho, abamukelilwazi kanye nobujamo. -Zikhona iimphoso zehlelo. -Ilwazimagama elifaneleko. -Ilimphoso azilimazi ihlathululo.	-Iphimbo, irejista, isitayela, ilwazimagama kufanele kancani umnqopho, abamukelilwazi kanye nobujamo. -Ihlelo elingakafaneli elinempphoso ezimbawla. -Ilwazimagama elithhayelako. -Ihlathululo ivimbekile.
8 AMAMAKSI	17–20	13–15	10–11	7–8	0–5

ISITJENGISO SOKWABIWA KWEMITLOMELO:

Km-/hl-/sk- : (Tlola umtlomelo otholwe mfundu)

L-/st-/ed- : (Tlola umtlomelo otholwe mfundu)

Ilungelo lokukhuphela lifunjethwe